

# Kupu Whakataki

## Te Horopaki

Ko taa Te Kaupapa Hapori Arotake Maataitai o Te Huihuinga o Tiikapa Moana o Hauraki (HGF) he tautoko i ngaa hapori i te mahi aroturuki i ngaa maataitai i tua o tai takoto i ngaa takutai one, me te aawhina i te rapu maaramatanga moo ngaa kaimoana me te whaanuitanga koiora i te Raahui Moana o Tiikapa Moana o Hauraki.

Ko ngaa whaainga o te kaupapa ina raa:

1. He whakakorikori i ngaa roopuu aa-kura, aa-iwi, aa-hapori hoki kia kohia he moohiohio pakari, whai tikanga, waatea hoki ki te katoa, moo ngaa taupori me ngaa rerekeetanga haeretanga o aua taupori i te takanga o te waa
2. He whakapiki i te koi o te whakaaro me te maaramatanga ki te taiao takutai moana me ngaa paanga o ngaa mahi a te tangata

Kua whai waahi mai ngaa kura me ngaa hapori i te taha ki ngaa tirohanga maataitai HGF i Taamaki-makau-rau, mai i te tau 2003. Raa roto i ngaa tirohanga maataitai ka waatea mai he whaainga waahi whai take maa ngaa aakonga kia ako aa-ringa, i runga i ngaa tikanga ako whai painga.

## Ngaa Hononga Marautanga

I raro i te tikanga marautanga-maha, kei roto nei te puutaiao, te paangarau, me ngaa tikanga aa-iwi, ka aahei ngaa aakonga ki te kawe i taa raatou tirohanga maataitai, me te aata tuuhura i ngaa take e paa ana ki te whaanuitanga me te tiakinga koiora. Kua oti ngaa mahere koowae te whakauru moo ngaa Taumata 3, 4 hoki.

Kei roto hoki ngaa ngohe maa ngaa aakonga me te hautaka akoranga aakonga i te koopae, kia ngaa-wari ai te whakaahua. Kua whakaurua atu hoki ngaa puka me ngaa puu ki te koopae i teetehi hoop-utu Microsoft Word, kia ngaawari ai te whakatika, i mua i te whakaahuatanga maa te kura takitahi.

## Te Tautoko i te Huihuinga o Tiikapa Moana o Hauraki

I tua atu i teenei kete rauemi kaiako, ka horaina he tautoko ki ngaa kura e tautokona ana i raro i te kaupapa HGF maa roto i ngaa whakahaere mema o te Huihuinga, ina koa, ngaa Kaunihera aa Rohe o Taamaki-makaurau, me Waikato, maa raatou e taapae:

- Ngaa Taputapu Tirohanga
- He tautoko kaiwhakarite moo te tirohanga takiwaa
- He tautoko ki te taatari, me te whakamaaori i ngaa kitenga

Ko te hoatutanga o ngaa tautoko kaiwhakarite ka haere i raro i ngaa whaainga matua o HGF me oona whaainga raeumi i teenaa waa i teenaa waa.

Ko te waka hei kawe i ngaa kaimahi kura me ngaa aakonga ki te waahi o te tiro whaanui, ka noho hei takohanga maa te kura. Ka waatea mai he moni aawhina moo ngaa kura 'low-decile' i runga i ngaa tono mai a te tangata, i muri i ngaa tono ki too kaunihera aa-rohe.

## **Te Hanganga o Te Hootaka Kura**

*I mua i te haere: He Moohiotanga Horopaki (1 – 3 raa)*  
Ka kimi moohiotanga, maaramatanga ngaa aakonga moo

- te take e arotakea ai ngaa maataitai
- he aha i whakaarotia ai he mea nui te maataitai
- ngaa moorearea teeraa pea ka paa ki ngaa maataitai

*I mua i te haere: Te Takatuu moo te tirohanga (1-3 raa)*  
Ka kimi moohiotanga, maaramatanga ngaa aakonga moo  
• te tautohu taketake i ngaa momo maataitai  
• ngaa tikanga tirohanga, te whakamahi i ngaa taputapu

*Te Haere aa-Takiwaa Te Kawe i Te Tirohanga (1 raa)*  
Maa ngaa aakonga e kawe teetehi tirohanga maataitai i teetehi takutai/puuau o te rohe.

*I muri i te haere: Te Taatari me te Whakamaaori i ngaa Kitenga, me te Whakamaaori i ngaa Kitenga (1 -2 raa)*  
Ka noho ngaa aakonga ki te wetewete, ki te whakamaarama hoki i ngaa kitenga i te tirohanga, maa te whakamahi i ngaa ripanga kaute hei hanga kauwhata. Ka aakona tuatahitia ngaa ariaa peenei i te kiato, te ranea, ngaa ia, me ngaa rerekeetanga maaori noa.

*Mahia ngaa Mahi: Eetehi atu Mahi Whai i Muri, hei Whakaaro (1 raa, neke atu)*

Maa ngaa Aakonga e

- tautuhi ngaa rautaki/mahinga ka taea pea hei tiaki i ngaa maataitai/me te whaanuitanga koiora moana
- kookiri whakatau hei whakapiki i te hauora o te taiao moana

